

ՔԱՐԱՇԱՄԻ ԴԱՄԲԱՐԱՆԱԳԱՇՏԻ N 117 ԴԱՄԲԱՐԱՆԸ

ՀՍՍՀ Նախկին շրջանի Քարաշամ գյուղից հարավ-արևելք, Հրազդան գետի աջ, բարձրագիծ ափին գտնվում են բրոնզեդարյան ամրոց ու դամբարանադաշտ¹։ Ամրոցից մոտ 100 մ հյուսիս-արևմուտք, Հրազդանի ձախափի հրվանդանի վրա պահպանվել են նույն ժամանակաշրջանի մեկ այլ ամրոցի հետքեր։ ՀՍՍՀ Միևնուտրների խորհրդին առընթեր Պատմության և կուլտուրայի հուշարձանների պահպանման ու օգտագործման վարչության հնագիտական արշավախումբը 1981—83 թթ. պեղումներ կատարեց դամբարանադաշտի հարավային հատվածում², որտեղ պեղվեցին մոտ 200 տարբեր մեծությամբ հիմնահողային դամբարաններ։ Հայտնաբերված նյութերը ցույց են տալիս, որ դամբարանադաշտի տվյալ հատվածը գոյատևել է միջին բրոնզի դարաշրջանից մինչև երկաթի դարի վաղ փուլը (մ. թ. ա. XVII—IX դդ.)։ Պեղումների քննարկում հայտնաբերվեցին մեծ քանակությամբ նյութական մշակույթի արժեքներ՝ գունազարդ, սև փայլեցված ու շեղանկաձև թանաքեղեն, բրոնզե զենքեր, քարե գլանաձև կնիք, մետաղից, քարից, մածուկից պեղանքի բազմաթիվ առարկաներ և այլն։ Դամբարանները արժեքավոր նյութ են տալիս բրոնզեդարյան ժամանակաշրջանի տեղաբնիկների հոգեբար ու պաշտամունքային կյանքի որոշ կողմերի մասին։

Քաղումներն անհատական են։ Բացառություն են կազմում № 21, 66 և 117 դամբարանները, որտեղ դիտվում էին խմբակային թաղումներ։ Դամբարանների յուրաքանչյուր օրինակաբանություններից էր կմախքների բազմաթիվ մանրամասների բացակայությունը, հանգուցյալների ոսկորները հաճախ կոտրված էին և անշատված իրարից, օրինակաբանի ծնոտների բացակայությունը կամ զանգերից

հեռու դրվելը, որ, հավանաբար, կապված է դիամանտուման հետ։

Դամբարանների զգալի մասի խցերը լցված էին տարբեր հաստությամբ և ամրության կապալուծությի շերտով։ Նման երևույթ գիտվել է նաև Վերին Նավերի միջին բրոնզի դարին վերաբերող դամբարաններում³։ Կապալուծության և ծածկառակների միջև եղած տարածությունը լցված էր քարախոռոչ հողով։ Դամբարանները մեծ մասամբ ծածկված էին տարբեր չափի ու քանակի բազալտե տափակ սալերով, սակայն որոշ դամբարաններ ունեին մանր, անմշակ քարերից, հաճախ վարդյակի տեսքով շարված ծածկեր։

Քարաշամի դամբարանադաշտի հարավային հատվածում պեղված դամբարաններից իր չափերով, կառուցվածքային յուրահատկություններով, թաղման ծեսով և նյութով առանձնանում է № 117 դամբարանը։ Արտաքինից այն ձվաձև, քարահողային լիցքով դամբարանաբլուր էր (երկ.՝ 6,8 մ, լայն.՝ 5,3 մ, բարձր.՝ 1 մ)՝ շրջագծված կրմիր խոտով։ Դամբարանախուցը ծածկող երեք խոշոր բազալտե սալերը 0,6—0,8 մ խորության վրա էին։ Սալերի վրա գտնվեցին վաղ երկաթի դարին վերաբերող կավանոթների բեկորներ և կենդանիների ոսկորներ, որոնք վկայում են հոգեհաց տալու մասին։ Դամբարանախուցը հիմնահողային էր, սպիտակահողով լցված, հյուսիսից հարավ ուղղված (երկ.՝ 4,3 մ, լայն. հարավային մասում՝ 1,2 մ, հյուսիսային մասում՝ 1,5 մ, խոր.՝ 1,7 մ)։

Պեղումները ցույց տվեցին, որ դամբարանը կրկնակի թաղումով էր. ստորին թաղումը վերաբերում էր ուշ բրոնզի դարաշրջանի առաջին փուլին, իսկ վերինը՝ վաղ երկաթի ժամանակաշրջանին։ Երկրորդ անգամ թաղում կատարելու համար ծածկի հյուսիսային և կենտրոնական սալերը տեղահանվել են, իսկ հարավային սալի տակ, խցի կենտրոնական մասում, կառուցվել է խոշոր, անմշակ քարերով շարված պատ (բարձր.՝ 1,5 մ, լայն.՝ 0,9 մ), որը խուցը բաժանել է երկու մասի։ Երկրորդ թաղման համար, հավանաբար, ամբողջ դամբարանախուցն օգտագործելու կարիք չի եղել և նրա հյուսիսային մասն ան-



1 Այստեղ 1966 թ. հետախուզական պեղումներ է կատարել Ն. Կարապետյանը։ Տե՛ս Լ. Կարապետյան, Բրոնզի դարի և վաղ երկաթի նոր հուշարձան Հրազդան գետի ավազանում [«Պատմա-բանասիրական հանդես» (այսուհետ՝ ՊԲՀ), 1969, № 4, էջ 278—283]։

2 Դամբարանադաշտի հյուսիսային մասում և ամրոցում պեղումներ է կատարել ՀՍՍՀ ԳԱ հնագիտության և ազգագրության ինստիտուտի արշավախումբը։

3 А. С и м о н я и, Могильник эпохи бронзы Верин Навер («Краткие сообщения Института археологии», № 176, М., 1983, с. 91).

առավել է պատով, որպեսզի մնացած մասի փրկություն հողը նոր խուցը լցվի: Ծրկրորդ (վերին) թաղման խցի հատակը պատված էր անմշակ քարերի մեկ շարով: Նույնատիպ քարե շարվածքով հատակ հանդիպում է վաղ երկաթի դարաշրջա-

Պատյանը բրոնզից է, երկմասանի, յուրաքանչյուր մասը՝ միաձուլ: Առանձին մասերը միացվում էին փայտե կաշեպատ հիմքին (աղ. 1, նկ. 3): Պատյանի մետաղե երկու մասերն էլ պատված են եռանկյունաձև և սեպաձև անցքերի:



Խցի գծանկարը:

նի այլ թաղումներում (Վարդաքար)⁴: Այդ հատակի և խուցը կիսող պատի տակ եղած 0,2—0,3 մ հաստությամբ ունեցող լիցքի շերտը հենուցենուց հետո բացվեց ստորին, հիմնական թաղումը (տե՛ս խցի գծանկարը):

Ննջեցյալի ոսկորները բացակայում էին: Խցի հյուսիսային և կենտրոնական մասերից գտնվեց թաղման ուղեկցող նյութը, այն է՝ բրոնզե դաշույն իր պատյանով, հինգ կայծքարե նետասլաքներ, բրոնզե զարդեր, տարբեր իրերի բեկորներ և կավանոթներ: Դաշույնը միաձուլ է, խողովակաձև դաստակով, եռանկյունաձև շեղումով (աղ. 1, նկ. 1): Դաստակը սնամեջ է, լրացված ամուր զանգվածով և ավարտվում է կիսազնդաձև գլխիկով: Այն զարդարված է համակենտրոն ներձկված շրջագծերով, եռանկյունաձև անցքերով, խալով, որոնք միասին կազմում են արևը խորհրդանշող մի պատկեր (աղ. 1, նկ. 2): Դաստակի կենտրոնական նեղացող մասում կան բարձրաքանդակ գոտի և եռանկյունաձև կտրվածք: Հիմքում լայնանալով՝ դաստակը սահուն վերածվում է խաշարգի և ամուր գրկում շեղքի ուսերը: Մեղրի ուղե երկարությամբ անցնում են ողբեր, որոնք, ծայրին լհասած, միանում են: Դաշույնի երկարությունը 42 սմ է, շեղքինը՝ 30,5 սմ, լայնությունը հիմքի մոտ՝ 8 սմ: Դաշույնը գրված էր շքեղ ձևավորված պատյանի մեջ:

շարքերով, բնդ որում, դիմային էողմի եռանկյունիներն ավելի փոքր են, քան հակառակ երեսին: Պատյանի ստորին մասն ավարտվում է փոքրիկ միջանցիկ անցք ունեցող սեպավառակով, որը կարվել է զգեստին: Հայաստանի և հարևան երկրներին մի շարք հուշարձաններում (Էջմիածն⁵, Արթիկ⁷, Նորատուս⁸, Էլառ⁹, Բրեյլի դամբարանադաշտ¹⁰, Կորնիսի¹¹ և այլն) նմանօրինակ միաձուլ դաշույններ հայտնի են սկսած մ. թ. ա. XIV դարից մինչև մ. թ. ա. I հազարամյակի

⁵ С. Есаян, Амулеты, связанные с культом солнца из Армении [«Советская археология» (այսուհետև՝ СА), 1968, № 2, с. 257].

⁶ А. Мпациаканян, Раскопки курганов на побережье оз. Севан (СА, 1957, № 2, с. 152).

⁷ Т. Хачатрян, նշվ. աշխ., էջ 176—177.

⁸ А. Мартirosян, Армения в эпоху бронзы и раннего железа, Ереван, 1964, с. 155.

⁹ Է. Խանզադյան, Էլառ-Դարանի, Երևան, 1979, էջ 82.

¹⁰ «Тбилиси. Археологические памятники—I», Тбилиси, 1978, табл. XXXIX-620.

¹¹ Б. Куфтин, Археологическая маршрутная экспедиция 1945 г. в Юго-Осетию и Имеретню, Тбилиси, 1949, с. 27—28, табл. IX-2.

⁴ Т. Хачатрян, Древняя культура Ширака, Ереван, 1975, с. 16.



Աղյուսակ 1. Հիմնական թաղման նյութերը:

ակիդքը: Քարաշմբի դաշույնն իր տեսքով շատ է նմանվում Ալյուսակի № 3 կրոմեխի դաշույնին, որը, սակայն, 10 անգամ ավելի մեծ է քան օրինակից¹²: Հայաստանի ուշ բրոնզի դարաշրջանի միաձուլվ դաշույնների հետ հաճախ հանդիպում են մոմե նուրբ կաղապարների մեջ ձուլված ցանցկեն պատյաններ¹³: Ցանցկեն պատյաններով երեք դաշույն են հայտնի լճաշենի երկրորդ դամ-

բարանաթմբից, որը թվագրվում է մ. թ. ա. XIV—XIII դդ.¹⁴: Նմանօրինակ պատյաններ հանդիպում են նաև ավելի ուշ, մ. թ. ա. XII—XI դդ. (Կիրովականի Դիմաց թաղ)¹⁵: Դատելով հրատարակված նյութերից՝ Քարաշմբի № 117 դամբարանի հիմնական թաղման դաշույնի երկ-

յան բնակավայրեր և դամբարանադաշտեր, Երեվան, 1969, էջ 29:

¹⁴ Ա. Մնացականյան, Նշվ. աշխ., էջ 157:

¹⁵ Ս. Եսայան, Օրужие и военное дело древней Армении, с. 66.

¹² Ս. Եսայան, Օружие и военное дело древней Армении, Ереван, 1966, с. 64.

¹³ 2. Մարտիրոսյան, Ուշ բրոնզեդար-

մասանի պատյանը այս տիպի եզակի օրինակներից է Հայաստանում:

Գտնված 5 կայծքարի նետասլաքները նշան են, որ, հարդարված ծայրերով, հիմքում ունեն խորը, ուղղանկյունաձև, կլորացող փորվածքներ՝ փայտե ձողի՝ ամրացնելու համար (աղ. 1, նկ 9): Նմանօրինակ նետասլաքների բաղաձայնի նմուշներ Հայտնի են Հայաստանի բրոնզի և երկաթի դարի հուշարձաններից (Լճաշեն, Կամո, Ռեզկին կղզի, Կարմիր բլուր և այլն)¹⁶, Զենքերի թվին կարելի է դասել բրոնզե, սնամեջ, կտրվածքում կլոր կիսախողովակը (աղ. 1, նկ. 7), որը, հավանաբար, ծառայել է որպես նիզակի փայտե կոճի ծայրակալ:

Ջարդարանի առարկաներից են բրոնզե ուղղանկյունաձև կամրջակով ուտուցիկ կոճակը (աղ. 1, նկ. 4), կենտրոնական մասում ծոված ընդհանրապես ու բարակ թիթեղը, բրոնզե, հավանաբար, ծառայել են որպես ամրակներ (աղ. 1, նկ. 5, 6): Դամբարանում գտնվել է նաև բրոնզե ծավալած ծայրերով պայտաձև շիգղ, որի միացնող ձողիկը չի պահպանվել (աղ. 1, նկ. 8): Շիգղերը Հայաստանում լայն տարածում են գտնում մոտավորապես մ. թ. ա. XI դարից և հայտնի են մ. թ. ա. II—I հազարամյակների շատ հուշարձաններից (Մեծամոր¹⁷, Դիլիջան¹⁸, Կարմիր բլուր¹⁹ և այլն): Քարայնների 117 դամբարանից գտնված շիգղը Հայաստանի վաղագույն օրինակներից է և ընդհանրություններ ունի Գաղայի (Պաղեստին) մ. թ. ա. II հազարամյակի առաջին կեսի թաղամասներից հայտնաբերված շիգղերի հետ²⁰:

Հիմնական (առաջին) թաղմանն ուղեկցող նյութի մեջ առանձին տեղ է գրավում խեցեղենը՝ սև փայլեցված, գծային, ալիքաձև ու եռանկյունաձև, խորագիր զարդերով ու փայլանախշով սափորներն ու քրեղանները: Ողջ խեցեղենը բարձրորակ է, հոյակապ կոկած: Նրա զգալի մասի վրա (աղ. 1, նկ. 10—13, 15, 16) պահպանվել են սպիտակ և կարմիր մածուկով արված մեանդրների ու ալիքաձև գծերի հետքեր: Իրենց ձև-

վերով, փայլեցման եղանակով ու զարդամոտիվներով այս կավանքները մոտ են ուշ բրոնզե-դարյան հուշարձաններից գտնված նյութերին (Լճաշեն, Աջթիկ, Էլառ, Մեծամոր, Լոռի-բերդ և այլն): Սակայն մաճուկային ներկով զարդարված խեցեղենը համեմատաբար հազվագյուտ է հանդիպում և ավելի ուշաձևի է դարձնում դամբարանի թվագրումը:

Միջին բրոնզից ուշ բրոնզ անցման փուլի (մ. թ. ա. XV դ.) ուն փայլեցված խեցեղենին հատուկ են ալիքաձև զարդագոտիները, մեանդրները, ձգված եռանկյունիները և խորագիր այլ պատկերներ, որոնք լցված են սպիտակ կամ կարմիր ներկով: Այդ տիպի հետաքրքիր նմուշներ հատկապես հանդիպում են Լճաշենում: 2. Մնացականյանի Խարժիթով այս խեցեղենը պաշտամունքային նշանակություն է ունեցել և հատուկ պատրաստվել է թաղման ծեսի համար²¹, Հառիճի № 85 դամբարանից (մ. թ. ա. XV—XV դդ.) նույնպես գտնվել է այդ տիպի անոթ՝ սանրաձև դրոշմանախշով, որը պատված է սպիտակ ներկով²²: Հաջորդ ժամանակաշրջանում՝ ուշ բրոնզի դարի սկզբնական փուլում, ուսումնասիրվող խեցեղենը շարունակում է գոյատևել, սակայն ներկն արդեն չի լցվում անոթների տարբեր դրոշմանախշերի մեջ, այլ քսվում է նրանց իրաններին: Անհրաժեշտ է նշել, որ զարդարման այս եղանակը առաջացել է դեռևս նախորդ շրջանում: Հառիճի վերահիշյալ դամբարանում գտնվել է սափոր՝ իրանի վրա սպիտակ ներկով արված մեանդրով²³, Ջարդարանից մասնաճյուղից հատկապես լայն տարածում է ստանում ուշ բրոնզի դարի սկզբնական փուլում, իսկ հետագայում անհետանում է: Մածուկային ներկով է զարդարված Հայաստանի տարբեր դամբարանադաշտերից հայտնի մ. թ. ա. XIV—XIII դդ. թվագրվող խեցեղենը (Լոռի-բերդ²⁴, Եամբ-րամ²⁵, Սառենիկ²⁶ և այլն): Նույն եղանակով զարդարված խեցեղեն հանդիպում է նաև Արենի-յան վրաստանում (Պերերի, Զեմո-Բողբեի դամ-

16 Նույն տեղում, էջ 45—46:

17 Է. Խանզազյան, Կ. Մկրտչյան, Է. Պարսամյան, Մեծամոր, Երևան, 1973, աղ. XL-4, 5:

18 Ս. Եսայան, 2. Հովհաննիսյան, Կատալոգ Դիլիջանի երկրագիտական թանգարանի հնագիտական իրերի, Երևան, 1969, էջ 155, 166, աղ. XXXIX-10, XLV-2, 9:

19 Ս. Եսայան, Կատալոգ Երևանի քաղաքի պատմության թանգարանի հնագիտական իրերի, Երևան, 1972, № 3, էջ 117, աղ. XXXVI-13—15:

20 C. Schaeffer, Stratigraphie comparée et chronologie de l'Asie Occidentale, London, 1948, fig. 113—4,9.

21 2. Մնացականյան, Լճաշենի մշակույթի զարգացման հիմնական էտապները (ՊՔԶ, 1965, № 2, էջ 105—108):

22 Т. Хачатрян, նշվ. աշխ., էջ 120:

23 Նույն տեղում:

24 С. Деведжян, Лори-Берд I, Ереван, 1981, табл. XIV—XV.


25 Գ. Արեշյան, Եամբ-րամի հուշարձանախարի սիստեմատիկ պեղումների տաճամյակը («Ջեկուցում 2002 ԳԱ հնագիտության և ազգագրության ինստիտուտի 1985 թ. ապրիլի դիտական նստաշրջանում»):

26 Պեղումները՝ Ն. Ենգիբարյանի: Նյութերը հրատարակված չեն:

բարաններ) և նույնպես վերաբերում է մ. թ. ա. ՄՄ—XIII դդ. 27,

Մածուկային ներկով զարդասախշերը քսվում էին անոթների մակերեսին դրանց թրծումից հետո բավական կոպիտ կերպով և հաճախ ծածկում էին սիորագիր ու փայլեցված նախշերը, ս-

տը, որ ուսումնասիրվող խեցեղենը հայտնի է միայն դամբարաններից, կարելի է ենթադրել, որ դրա նախազարդումն արվել է անմիջապես թաղումից առաջ և քաղման ծեսի մասն է կազմել²⁹։ Հավանաբար, ուշ բրոնզի դարի վաղ փուլում թաղման համար օգտագործվել են ոչ միայն



Աղյուսակ 2. Վերին (կրկնակի) թաղման նյութերը

րոնք արվում էին անոթների պատրաստման ժամանակ և լիովին ավարտված տեսք էին տալիս դրանց։ Ինչպես նշում է Կ. Պիցխելաուրին, Զեմո-Բողբեից գտնված խեցեղենի վրա սպիտակ ներկով արված զարդանախշերը պահպանվել են մասնակիորեն, քանի որ քսվել են անոթի թրծումից հետո²⁸։ Նույն պատկերն է դիտվում նաև Քարաշամբի մի քանի դամբարաններից հայտնաբերված խեցեղենի վրա։ Պարզ է, որ թրծումից հետո մածուկային ներկով արված նախշերը չէին նարող երկար պահպանվել անոթների ամենօրյա օգտագործման դեպքում։ Այդ զարդանախշերի իմաստը խոսում է դրանցով պատված անոթների ծիսական նշանակության մասին։ Հաշվի առնելով այս հանգամանքը, ինչպես նաև այն փաս-

հատուկ ծիսական նպատակներով պատրաստված, այլև այդ նպատակներին հարմարեցված անոթներ։

Ուշագրավ է այն, որ Հայաստանի որոշ բրոնզեղարյան թաղումներում հայտնաբերված վարդկային կմախքների վրա պահպանվել են օխրայի հետքեր³⁰։ Բացի այդ, նույն ժամանակաշրջանի դամբարաններից հայտնի են թաղման արարողության ընթացքում զոհաբերված խոշոր և մանր կաշեկալներ ամասունների ներկված ճանկեր³¹։ Այս փաստերի զուգահեռումը հիմք է տալիս ենթադրելու, որ որոշ կարգի նշանակություններ և ներանց պատվին զոհաբերված իրերն ու կենդանիներն օծվում էին։

²⁷ К. П и ц х е л а у р и, Восточная Грузия в конце бронзового века, Тбилиси, 1979, с. 40.

²⁸ Նույն տեղում։

²⁹ Նույն կարծիքն է հայտնել Գ. Արեշյանը վերոհիշյալ դիտական նստաշրջանում։

³⁰ А. М и а ц а к а н я н, Археологические раскопки на осушенной территории оз. Севан (СА. XXIII, 1955, с. 196); ն ու յ ն ի՝ Раскопки курганов..., с. 151; С. Д е в е - д ж а н, Ե ղ Վ. աղյ., էջ 27.

³¹ Т. Х а ч а т р я н, Ե ղ Վ. աղյ., էջ 141.

Այս զուգահեռների քննարկումը հնարավորություն է տալիս Քարաշամբի № 117 դամբարանի հիմնական (առաջին) թաղումը թվագրել ուշ բրոնզի դարի վաղ ժամանակ՝ մ. թ. ա. XIV—XIII դդ.:

№ 117 դամբարանի վերին, կրկնակի թաղման խցի մեջ գտնվեցին երեք ննջեցյալի կնիքները՝ կրկնակի թաղման արևելյան պատի մոտ էր, դեմքով ուղղված հյուսիս-արևմուտք։ Նրա շուրջը տեղադրված էին կավանոթները, որոնց տակ էլ բացվեցին մյուս երկու կմախքները։ Դրանցից մեկը արևմտյան պատի մոտ էր, դեմքով ուղղված արևելք, իսկ ոտքերով՝ դեպի առաջին ննջեցյալը։ Երրորդ կմախքը գտնվում էր խցի կենտրոնում։ Սրանց մոտ ևս գրված էին տարբեր կավանոթներ։ Դատելով կմախքներից, թաղված են եղել մի երիտասարդ կին և երկու տղամարդ։ Կրկնակի թաղման այս ձևը նոր երևույթ է։ Հայտնի է, որ Հայաստանում և Անդրկովկասում գտնված կրկնակի թաղումով դամբարաններում երկրորդ թաղումը, որպես կանոն, կատարվում էր հիմնական դամբարանախցում, ընդ որում, հիմնական թաղումը մնում էր երկրորդի տակ կամ նրա կմախքի ու ուղեկցող նյութը հավաքվում էին խցի որևէ անկյունում և աղատված հատակի վրա կատարվում էր երկրորդ թաղումը։ Սակայն № 117 դամբարանախցի մեջ քարե պատ և հատակ շարելու միջոցով կառուցվել է ավելի փքր շափերի մի նոր խուց։

Երկրորդ թաղմանն ուղեկցող նյութը բաղկացած է երկաթե երկու մանգաղներից, դանակից և բազմատեսակ կավանոթներից։ Մանգաղները կրկնում են բրոնզե համանման մանգաղների ձևերը՝ թեթևակի կորացած աշխատող մասով, լայնացող մեջքով և նեղ շեղքով, կոթառի հետ ամրացվող ելուստով (աղ. 2, նկ. 3, 4)։ Դանակն ունի նեղ և ուղիղ շեղք՝ մեկ կողմանի սայքով ու սուր, թույլ կեռած ծայրով (աղ. 2, նկ.

2)։ Նմանատիպ գտածոները հատուկ են վաղ երկաթի դարաշրջանին և հաճախ հանդիպում են Հայաստանի համաժամանակյա հուշարձաններում (Արթիկի դամբարանային կոմպլեքսների երրորդ խումբ³², Լոռի-Փամբակ³³ և այլն)։

Երկրորդ թաղման խցեղենը կազմում են սև և գորշ թույլ փայլեցված, անկանթ և միականթ, ուռուցիկ կամ ձգված իրաններով, ցածր վզով և լայն տափակ հատակով սափորները՝ զարդարված խորագիր հորիզոնական գծերով, ստվարագծված շերտերով և մատնեքներով (աղ. 2, նկ. 1, 5, 6, 7, 8, 9, 10, 11, 13), երկկանթ ուռուցիկ իրանով թաղարը, սև փայլեցված միականթ քրեղանի (աղ. 2, նկ. 7) և թեթև մատնեքներով զարդարված միականթ գավաթը (աղ. 2, նկ. 12)։ Վերը թվարկված անոթները, ինչպես և մետաղյա իրերը, իրենց զուգահեռներն ունեն Հայաստանի համաժամանակյա հուշարձաններում (Ռեդ-կին Լադեր, Արթիկ, Աստղի բլուր, Մեծամոր, Կարմիր բլուր, Մեղրաձոր, Սարուխան, Սասունիկ և այլն) և թվագրվում են մ. թ. ա. X—IX դդ.։

Այսպիսով, Քարաշամբի դամբարանադաշտի № 117 դամբարանի ուսումնասիրությունը ծանոթացնում է կրկնակի թաղումով դամբարանի նոր տիպի կառուցվածքին և տալիս է ուշ բրոնզի ու վաղ երկաթի դարի հարուստ նյութ։

ՎԱՀԱՆ ՀՈՎՀԱՆՆԻՍՅԱՆ
ՅՈՒՐԴՈՒՄ ՄՈՒՐԱԴՅԱՆ

32 Г. А р е ш а н, Орудия труда Армянского могильника (ՊՐՀ, 1970, № 3 էջ 258).

33 Т. Х а ч а т р я н, Орудия труда эпохи поздней бронзы и раннего железа Армении («Труды Государственного музея истории Армении», Ереван, 1959, № 5, с. 224).